

UGOVOR

O REGULISANJU MEĐUSOBNIH OBAVEZA U PRUŽANJU USLUGA I ISPORUCI VODE I ODVOĐENJA OTPADNIH VODA

Zaključen u Tuzli, dana 30.03.2023.godine između:

1. ISPORUČILAC : JKP «Vodovod i kanalizacija» d.o.o. Tuzla, ul. 2. Oktobar br 1, ID 4209042590003 zastupano po direktoru mr.sci. Aid Berbić, dipl. pravnik (u daljem tekstu Davalac usluge) i

2. KORISNIK : JU Arhiv Tuzlanskog kantona, ul. Franje Ledera br. 1, zastupan po v.d. direktoru mr.sc. Omer Zulić (u daljem tekstu Korisnik).

PREDMET UGOVORA : USLOVI I NAČIN ISPORUKE PITKE VODE I ODVOĐENJA OTPADNIH VODA

Član 1.

Davalac usluge se obavezuje da putem jedinstvenog sistema vodosnabdijevanja i odvođenja otpadnih voda obezbijedi Korisniku pitku vodu, zavisno od ukupno raspoložive količine vode, stanja i mogućnosti kapaciteta, odnosno, izvrši odvođenje otpadnih voda.

Davalac usluge je dužan obezbijediti da kvalitet isporučene vode bude u okviru propisanih standarda za kvalitet pitke vode.

Član 2.

Obaveze u isporuci vode mogu se smanjiti ili prestati u slučaju smanjenja ukupne količine vode, većih kvarova i havarija na sistemu vodosnabdijevanja i više sile.

Saglasno prethodnom stavu Davalac usluge je dužan:

- u slučaju smanjenja ukupne količine vode utvrditi sa nadležnim organom stepen redukcije u isporuci vode i o tome obavijestiti Korisnika putem sredstava javnog informisanja ili na drugi način,
- obavijestiti Korisnika o očekivanom prekidu u isporuci vode u rokovima propisanim Zakonom o kumanlnim djelatnostima TK („Sl. novine TK”, br. 11/05).

Član 3.

Mjesto isporuke vode je izlazna strana vodomjera u priključnim šahtovima Korisnika. Davalac usluge će snabdijevati vodom i vršiti odvođenje otpadnih voda za sljedeći objekat Korisnika:

1. Adresa: Franje Ledera br. 1, 75000 Tuzla, potrošačko mjesto 000389.

CIJENA

Član 4.

Cijena 1 m³ pitke vode i vršenja usluga odvođenja otpadnih voda utvrđuju se na osnovu saglasnosti Općine Tuzla i važećih propisa i može doći do promjene cijena u toku godine o čemu će Isporučilac pismeno obavijestiti Korisnika usluga.

Davalac usluge će pitku vodu Korisniku usluga isporučivati po cijenama od 1,33 KM/m³, usluge odvođenja otpadnih voda će vršiti po cijeni od 0,41 KM /m³ isporučene vode.

Davalac usluge će Korisniku fakturisati i usluge naknade za održavanje vodomjera i vodomjernih šahtova u iznosu 3,50 KM po mjesečnom računu.

Navedene cijene će biti uvećane za:

- iznos od 0,01 KM/m³ na ime posebne vodne naknade za korištenje površinskih i podzemnih voda , shodno članu II stav 1. tačka 1. Odluke o visini posebnih vodnih naknada („ Sl. novine F BiH “ br. 46/07) , poglavlju A , odjeljak a) tačka 4. Pravilnika o načinu obračunavanja , postupku i rokovima za obračunavanje i plaćanje i kontroli izmirivanja obaveza po osnovu opće vodne naknade i posebnih vodnih naknada („ Sl. novine F BiH “ br. 92/07) i Instrukciji Ministarstva poljoprivrede , vodoprivrede i šumarstva F BiH broj 05-02-21-2/08 od 30.01.2008. godine ,
 - iznos od 0,04 KM/m³ na ime posebne vodne naknade za zaštitu voda shodno članu III Odluke o visini posebnih vodnih naknada („ Sl. novine F BiH “ br. 46/07) , poglavlju A , odjeljak c) tačka 12. Pravilnika o načinu obračunavanja , postupku i rokovima za obračunavanje i plaćanje i kontroli izmirivanja obaveza po osnovu opće vodne naknade i posebnih vodnih naknada („ Sl. novine F BiH “ br. 92/07) i Instrukciji Ministarstva poljoprivrede , vodoprivrede i šumarstva F BiH broj 05-02-21-2/08 od 30.01.2008. godine ,
 - porez na dodanu vrijednost u skladu sa zakonom.
- Ukoliko dođe do promjene cijene vode, Davalac usluge će od dana stupanja na snagu Odluke o izmjeni cijena, dostavljati račune u skladu sa donesenom Odlukom, te o tome obavijestiti Korisnika usluge.

Član 5.

Obračun utroška pitke vode vrši se na osnovu očitavanja i važeće cijene.
Očitavanje vodomjera se vrši krajem svakog mjeseca uz prisustvo predstavnika Davalac usluge i predstavnika Korisnika o čemu se sačinjava zapisnik . Zapisnik mora biti potpisan od obadvije strane.

Član 6.

Na osnovu količine vode , utvrđene putem očitavanja i konstatovane zapisnikom, te važeće cijene , Davalac usluge ispostavlja Korisniku jednom mjesечно , pojedinačne račune za očitani vodomjer.

Ako je zakonom ili drugim aktom nadležnog organa propisano da Korisnik (potrošač vode) plaća preduzeću za vodosnabdijevanje određene obaveze po osnovu utroška vode i odvođenja otpadnih voda (vodne naknade, porezi i dr.) , pored vrijednosti utrošene pitke vode i odvođenja otpadnih voda u računima iz prethodnog stava, biće obračunate i iskazane obaveze po tom osnovu .

Član 7.

Korisnik je dužan račune platiti u roku 30 dana od datuma računa . Za sva plaćanja poslije tog roka Davalac usluge će obračunati zateznu kamatu u visini zakonom utvrđene stope.

Član 8.

Korisnik može u roku 8 dana od datuma prijema računa pismenim putem podnijeti prigovor na fakturisani iznos.

Ukoliko u tom roku nije podnio prigovor, smatra se da je račun prihvaćen.

Davalac usluge je dužan u roku 30 dana od dana prijema prigovora odgovoriti na isti. Prigovor ne odlaže obavezu Korisnika po osnovu nespornog iznosa računa.

Član 9.

Ukoliko korisnik ne izvrši svoje obaveze iz člana 7. ovog Ugovora , i pored primljene opomene da to učini , Davalac usluge će saglasno Zakonu o komunalnim djelatnostima TK izvršiti obustavu isporuke vode Korisniku isključenjem sa vodovodne mreže.

Troškovi isključenja i uključenja svakog vodomjera i eventualne druge štete po osnovu toga padaju na teret Korisnika po važećem cjenovniku.

Član 10.

Korisnik se obavezuje da će redovno pratiti potrošnju vode , o svom trošku otklanjati kvarove iza vodomjera kako bi potrošnju vode doveo u optimalnu količinu , ali ne veću od količine utvrđene u saglasnosti.

Član 11.

U cilju efikasnog kontaktiranja i korespondencije Korisnik utvrđuje:

1. Adresu na koju će se slati sve pismene pošiljke i to:

Adresa: Arhiv Tuzlanskog kantona, ul. Franje Ledera br. 1, Tuzla

2. Telefoni za kontakt: tel. 035 252 620;

Davalac usluge utvrđuje:

1. Adresa: JKP »Vodovod i kanalizacija« d.o.o. Tuzla, ul. 2. oktobar br.1. Tuzla

2. Telefoni za kontakt : Uprava preduzeća tel. 369-844; fax. 369-851.

Član 12.

Ovaj ugovor zaključuje se za period 01.01.2023.-31.12.2023. Izmjene ugovora mogu se vršiti samo putem Aneksa ovoga ugovora.

Član 13.


U slučaju spora po ovom ugovoru, ugovorne strane će spor pokušati riješiti sporazumno, a u protivnom, nadležan ja sud u mjestu Davaoca usluge.

Član 14.

Ovaj ugovor sačinjen je u 4 (četiri) istovjetna primjerka, od kojih Davalac usluge zadržava 2 (dva) primjerka, a Korisnik 2 (dva) primjerka.

ZA DAVAoca USLUGE:

DIREKTOR



mr. sci. Aid Berbić, dipl. pravnik


JAVNO KOMUNALNO PREDUZEĆE

07. 04. 2023

		1658	23
--	--	------	----

ZA KORISNIKA:

V.D.DIREKTOR



mr.sc. Omer Zulić

Broj: 02-671-6/23.

Datum, 30.03.2023. godine